



DEO OPTIMO MAX.

UNI ET TRINO,

VIRGINI DEIPARÆ, ET S. LUCEÆ,
Orthodoxorum Medicorum Patrono.

QUÆSTIO MEDICA.

CARDINALITIIS DISPUTATIONIBUS,
*manè discutienda, in Scholis Medicorum, die Jovis, decimâ. octavâ
mensis Aprilis, Anno Domini M. DCC. XLIII.*

M. JOANNE. BAPTISTA DUBOIS,
Professore Regio, Doctore Medico Præsîde.

An gracilibus Pomaceum Vîno salubrius?

I.



ARIÆ pendent corporis habitudines à variâ partium solidarum structurâ, dispositione, texturâ, variâque humorum indole, agitatione, *insuper*. De magnitudine & parvitate, de pulcritudine ac deformitate nihil, aut parùm curat *hæc*, hisque vix unquam fuit adducta, ut in suis de tuendâ valetudine legibus quidquam vellet esse discrepantiæ. De gracilitate & obesitate magis sollicita, suam cuique victûs rationem decernit, quâ utriusque vel incommodis levamen suppediet, vel incrementis obices ponat. Duplex porro, ad naturam duplicem composita, *scilicet* multiplices aëris qualitates expendere, somni vigiliæque tempora definire,

motus & quietis indicare vices, exercitationum genera designare satagit. Respectu alimentorum; non tantum à cibo largiori, vel pariori, calidiori, vel frigidiore, succiori, vel humidiori suas mutatur diversitates; verum à dissimilibus quoque potus generibus insignia, maximeque ad sanitatem momenti discrimina sortiuntur. (a) *Sunt quibus Vinum est alimentum, sunt quibus non est alimentum, sed venenum.* Se quisque suo pede moduloque metiatur. Modulus iste habeatur *ἡμετέριος*. Hæc perspecta prius esse debet, quam convniens eligi queat potus, (b) *Nisi enim quis nuperit qualis à principio fuerit eo situto, in corpore primas teneas, quæ homini conducant, profere par non erit.* Cognitâ corporis naturâ, studium ad potionum differentias convertatur. Nimirum ut recta salubisque victus norma statuatur, (c) *diversas non modò corporis obstruere oportet explorasse feliciter, sed omnium etiam, quibus fami & siti succurritur, alimentorum doses comperisse.* Liqueorum, quos familiaris commendat usus, alii calorem excitant atque intendunt, solidarum partium stamina convellunt, fluidarum exacuunt fermenta, utrarumque motus reddunt vegetiores: alii fervorem mitigant, fibrarum temperant siccitatem, & rigiditatem emolliunt, acutiore humorum obtundunt spicula, æstus motuum vividiorum sedant. Priori specie posteriorem facile patet esse gracilibus multò salubriorem.

(a) Hipp. l. de alim.

(b) Hipp. de vit. rat. l. 1.

(c) Ibid.

Y I.

(a) **T**ENUIS homo implere se debet.... *calidus refrigerare... siccus madefacere.* In gracili corpore observa cutis ariditatem, respirationis magnitudinem & crebritatem, pulsus celeritatem, vehementiam ac frequentiam, implacidam somni brevitatem, non indecorè lascivientium oculorum volubilitatem, salacitatem, sensum perspicaciam, vim ingenii præcipientem, audaciam, superbiam, iracundiam, aliaque istiusmodi cum animi, tum corporis affectiones. In eo calorem intensum, fibrarum summâ resiliendi virtute donatarum siccitatem, assuantem humorum agitationem, motus omnes violentissimos esse concludes. Liqueorum omnium corpus animale perulentium augenda tenuitati plurimum conferre calorem vel inde fit manifestum, quòd primam sumptorum dissolutionem & concoctionem insigniter promoveat. Id cum probè nosset Hippocrates, (b) *crudos ventriculos cibo potuque calefaciente r. borandos esse decrevit.* Cur animalia castrata stabulisque detenta citò faginantur? Ad pinguedinis incrementum parùm accurata requiritur alimentorum & succorum ab iis oriundorum elaboratio. Testiculorum resectione & assiduâ quiete, frigidior imbecilliorque ventriculus evadit, (c) *quàm ut ingestorum copiam valeat exquisitè conficere.* Spissiores proinde manent chylus, sanguis & succus nutritius, apta materies obesitati cumulandæ. Cuncta depascentem in gracilibus ardorem obscuro carcere, vel crudeli cultro (ut in saginatione pecudum usu venit) expellat nullus; at saltem, potum si quis ministret, aquam igni, quàm oleum inspergi satius esse meminerit; alioqui lethalem inferet corpori *ὑπερθερμῶν*. Habi ia crispari stamina madore aliquo sunt recreanda, non torquenda calidioribus: nimis evolutæ fermentorum vites frænis coercendæ sunt, non stimulis armandæ: irrequieti motus repagulis cohibendi sunt, non incitamentis adaugendi. (e) *Co-generibus exasperatur, contrariis levatur vitiosus quivis affectus.* Præderis macilentio, si huic mitiores frigidioresque haustus propinaveris; si contra calidiores ac generosiores, omnia ruent in pejor. Hinc divina Cō doctrina tenuium corporum incolumitati (f) *humido victu consulendum iussit.*

(a) Cels. l. 1. c. 8.

(b) L. de sal. vit. rat.

(c) Ibid.

(d) Hipp. l. de genit.

(e) Hipp. l. de morb. facr.

(f) l. de sal. vit. rat.

I I I.

VINUM blanditur oculis, illecebrosio ne crede nimium colori: nares titillat avidas, dolosa fuge lenocinia: palato arridet, fallaces merue delicias. Exceptum ventriculo, visceris hujus fibras colubri dente vellicat. Hæc ad vividiores contractiones sollicitatæ, glandulas interstas fortius comprimunt, undè copiosior succi *gastroici* proventus. Cujus periculi toris exhaustio

demum fonte, (a) ventriculum exsiccare necesse est. Hinc prima singulis functionibus inuitur labes. Novus-ne perpetuò suppetit liquor è glandulis eliciendus? Is simul cum Vino, quasi junctis viribus, persusos penetratosque cecos accuratè dissolvit, non parum juvantibus Bacchi spiritibus, quæ, ceu toxicum cunei, propellente motu ventriculi, qualibet alimentorum subeunt rimulas, durioresque particulas dissolvunt. Indè cito *χύλας*. Alimenta sic primùm elaborata, superatis chyli viis, purpureo committuntur alveo. Tunc Vini magis evolveri spiritus, per totum sanguinis fluentem diffundi, in obvias quasque partes impetuosis irruere, in vasorum continentium parietes ipsos arietare, tum ab iis nimidum distensis repelli, mox acris præliari, quodcumque occurrit incidere ac discutere. Humores interim subtiliores facti vehementius agitantur, solidarum partium fibræ validius vibrantur, corpus universum incalefcit, expectoratoque balsamo defraudatum exarescit. *Pomaceo* (cujus mox na ura palam fiet) non modò minor exprimitur, quàm Vino, *gastrii* liquoris copia, sed expressi vitrus etiam minùs adjuvatur, unde crassior enascitur chylus, in sanguinem quoque crassiorin abiturus. *Pomacei* spiritus eas tantùm possunt intrà vasà sanguifera movere luctas, quæ multo post è ejusdem *phlegmate* facilè componantur: pars verò spissior, glutinosis veluti cæculis, principiorum mobiliorum reprimat imperus turbarum auctores, unctuosò sinu salia demulcet effera, horumque aculeos, erodendis villis idoneos, nexibus oleosis intricet. Sic vasorum præpediuntur vellicationes, sic minuitur calor, sic non exsiccantur stamina, sed suffuso sensim madefacta rore, magis ac magis mollescent. Memoratas ut arceret noxas, commodaque recensita conciliaret Venerandus Senex, (b) cùm obfusa acria tenuiaque præciperet *καταλύματα*, gracilibus eadem crassa pinguique præscribat.

(a) Hipp. de viis. rat. l. 2.

(b) De sal. viis. rat.

I V.

DUM partes Vini sulphureo-volatiles chylum sanguini recens admistum mille ictibus diverberant, ex tum propriis viribus, tum expeditis chyli sanguinisque principis, tum aucto motu & calore intestino, tum prementium undequaque machinarum irritatà potentia, nutritioni destinatum ad eò communiunt succum, ut in sanguinis globulos ferè totus citissimè faceffat. Ex quâ *αἰσθησις* vir ulla, quæ corpus nutriet, exurgit substantia concretescere apta. Indè ratio petenda est, cur graciles copioso cruore turgescant. Iterùm atque iterùm collisctiæque globuli exilissimas in particulas abeunt, per cutis spiracula mox avoluturas. Per easdem vias tenue serum, sævientè fervore, facillimè dissipatur. In vasis quid residuum? Duriora *εἰς* tartari crassamina, salibus fixis & acrioribus foræ. (a) Hæc emaciandis urendisque solidis partibus, non recreandis, non resciendis nata. *Pomaceo* tot averti posse calamitates analysis chymica luculenter ostendit. In hujus liquoris distillatione sulphureus primùm spiritus prodit, isque multò parcior, quàm ex Vino; mox plurimum sequitur *phlegma*; tum, aucto igne, spissum elicitur oleum: quæ residua manet materia, pauci particeps est *alkalini* salis, à sale tartari partim discrepantis. Lentorem *Pomacei* satis indicat insignis illa vis, quæ succus è pomis recenter expressus in primâ fermentatione turgescit. Eundem arguit ab eo liquore nata crapula, biduò vix edormienda. Dùm pinguis illa substantia, nostri corporis humoribus immixta, volatiliores tumultumque minitantes atomos vel placido illaqueat glutine, vel diluente mergit sero; minùs agitata, minus attenuata chyli ramenta vorticoso globulorum motui nullatenus accommoda, nutriri cedant in lympham. Illa suo priùs defungitur munere, quàm aut in rubras mutari spherulas, aut per cutis meatus amandari possit. Quid ita? Caloris motusque mediocritas frequentior collisus divisionisque præcavet. Per insensibilem *διασπῆσιν* minor fit feri visus exhalatio; corporis macilenti vitia emendantur, damna reparantur: exiles fibræ ab exedentium particularum morsu certius vindicantur, aridæ uberius humectantur, molliùs re-
staurantur exsiccantur.

(a) Hipp. de viis. rat. l. 2.

V.

LITENT obesi Libero, cuius auxilio segnem possunt exerere torpedinem, sanguinis ac spirituum (a) penuriam sustentare, vixque micantem nativè calo is flammulam à suffocatione vindicare. Sua nostram Pomonam manet gloria. Colant illam macilenti, neque parva

cultus erit merces. Inspiciente magis quam attenuante potu graciles indigent. Horum cerebro nervisque, pinguedinis præfatio non munitis, Vini mordacitas inimica. Crassiores Pomaceo, subtiliores Vino humores generari; hoc vehementius, quam illo, caput nervosumque genus lædi unicâ probatur observatione Medico-Chirurgicâ. Luetiæ, Antissiodori, aliisque in locis, quorum incolæ Vino indulgent, partium inferiorum multò citius facilitasque, quam capitis, curantur vulnera. In Neustriâ utrorumque contraria fors. Ut ut graviter fauciatum, nullo ferè negotio sanatur caput; pedis, tibie, femorisve ulcusculum in longam annorum seriem protrahitur, insanabilem non rarò curandum in *paralytici*. Horum-ec discriminum causam quæris? Ex unâ parte, alta petentium humorum subtilitatem; ex alterâ, vix ascendentium eorumdem spissitudinem incusa. Nec manifestiorem putes assignari posse rationem, cur Cadomi, quam Parisiis, multò periculosior sit *S. p. ena*-fectio, seriùs præertim, frequentiusve celebrata. An illâ, quam inducit Pomaceum, sanguinis crassitudine obstructions portendi cuiuspiam videbitur? A suavis Neustriacæ vindemiæ poculis metus iste deterreat, quos jam adipis importuna moles obruit, ac propter venatum artierumque (b) angustiam, (c) subitaneo strangulati obnoxios reddit. Ab eo pavore liberent gracilium animos calor innati maxima vis, volatiliùm, quibus pollent, salium virtus, fibrarum vividæ pulsationes, ac præcipuè vasorum sanguiferorum (d) amplitudo. Quibus illa natura corporis obigit, iis à Vino potius, quam à Pomaceo, non modo vasorum obstructions imminet, sed & viscerum inflammationes, exulcerationes, tabes, hæmorrhagiæ, dysenterici, hydropes, paralytici, calculi, arthritides, &c.

(a) Gal. *comm.* in Hipp. aph. 44. f. 2.

(b) Gal. *loc. cit.*

(c) Hipp. Aph. cit. l. 2. c. 1.

(d) Hipp. Epid. l. 2.

Ergo gracilibus Pomaceum Vino salubrius.

Proponerebat Parisiis, PETRUS-ISAAC POISSONNIER, Divionæus,
Saluberrimæ Facultatis in Universitate Parisiensi Baccalaureus, A. R. S. H.
1743, à sextâ ad meridiem.